

فيديو #٦٧ . من مقاطع حظر التجول تدبر آل عمران حلقة ٢

الآي ٦-٣

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعون وستين من مقاطع حظر التجول والحلقة الثانية من حلقات تدبر سورة آل عمران ارجو من حضراتكم تجيبيوا المصاحف وامبارح بدأنا نتدبر سورة آل عمران وتدبرنا بالفعل اول ايتين -

00:00:01

فنقرأهم ونوصل بآيات حلقة الليلة. احنا ان شاء الله النهاردة هنتدبر الى الآية ستة اعوذ بالله السميع العليم من الشيطان الرجيم. بسم الله الرحمن الرحيم الف ميم الله لا الله الا هو الحي القيوم -

00:00:28

نزل عليك الكتاب بالحق مصدقا لما بين يديه وانزل التوراة والانجيل فيل وانزل التوراة والانجيل من قبل هدى للناس وانزل الفرقان ان الذين كفروا بآيات الله لهم عذاب شديد. والله عزيز -

00:00:59

والله عزيز ذو انتقام ان الله لا يخفى عليه شيء في الارض ولا في السماء والذي يصوركم في الارحام كيف يشاء لا الله الا هو العزيز الحكيم دايما ضمير المخاطب المفرد يبقى مقصود به النبي محمد صلى الله عليه وسلم -

00:01:32

نزل عليك مش عليكم مخاطب مفرد يعني نزل عليك يا محمد نزل عليك الكتاب. يبقى الكتاب هو القرآن نزل عليك يا محمد الكتاب اللي هو القرآن نزل عليك الكتاب بالحق -

00:02:16

حقا وصدقنا انزله اليك. وليس كما يدعى الكافرون ان انت اللي كتبته وايضا بالحق معناها ان محتواه ده هو الحق بعيدا بقى عن التحريف والتزوير اللي دخل في الكتب الأخرى. هنجد قصص موجود آآ في آآ التوراة -

00:02:38

روي الانجيل والزبور وكده موجود القصص في القرآن بس في القرآن هيبقى مختلف. يبقى الحق هو اللي في القرآن. يبقى الثاني ناله تحريف تمام؟ طيب نزل عليك الكتاب بالحق مصدقا لما بين يديه -

00:03:03

مصدقا لما بين يديه يعني اللي جه قبله لا يختلف مع ما جاء قبله من الكتب لا في العقائد ولا في الاخلاق بل يصدقها يعني ايه يصدقها؟ يعني يشهد بصدق ما فيها. يبقى لو فيها حاجة غلط هو اللي هيشهد انها غلط. لو فيها حاجة صح ولا هو اللي يصدقها هو اللي بيقول ده الصدق -

00:03:23

ايه اللي فيها وانزل التوراة والانجيل من قبل هدى للناس من قبل من قبل القرآن نزل للناس التوراة والانجيل التوراة مع موسى، عليه الصلاة والسلام، والانجيل مع عيسى، عليه الصلاة والسلام -

00:03:44

علشان يكونوا هدى للناس نلاهز هنا بقى ان ربنا ذكر اسم كتاب موسى وكتاب عيسى فكم من المتوقع انه يذكر اسم كتاب محمد ويقول القرآن بدل ما يقول الكتاب لكن لا -

00:04:12

سبحان الله ربنا قال ايه نزل عليك الكتاب بالحق. ما قالش نزل عليك القرآن بالحق مع ان كنا متوقعين طالما قال التوراة والانجيل يقول القرآن لأنزل عليك القرآن بالحق لا نزل عليك الكتاب بالحق مصدقا لما بين يديه وانزل التوراة والانجيل من قبل هدى للناس -

00:04:29

طالما قال التوراة والانجيل ليه ما قالش القرآن الكتاب اسم جنس يعني اسم الكتب عموما واطلق آآ كلمة الكتاب او اسم الكتاب اطلق على الكتب السماوية في القرآن عموما -

00:05:00

فالقرآن سمي الكتاب. والتوراة ايضا سميت الكتاب يعني ربنا في في سورة البقرة قال واد اتينا موسى الكتاب والفرقان لعلكم تهتدون فالكتاب اطلقت على التوراة وايضا اطلق الكتاب على مجموع اسفار اليهود والمسيحيين اللي جموعها وسموها الكتاب المقدس -

00:05:18

وربنا قال يا اهل الكتاب البابيل باليوناني يعني ببليس يعني كتاب فسماهم القرآن كمان كلهم اهل الكتاب اهل الكتب السماوية. فكلمة الكتاب مش معناها كتاب واحد كمان معناها جنس الكتاب عموما - 00:05:46

طب ليه ربنا طالما ذكر التوراة والانجيل بالاسم ما قالش فالقرآن ما قلش نزل عليك القرآن بالحق اختياري يسميه الكتاب في الاية دي لان اليهود والنصارى لم يعترفوا به احنا اعترفنا بالتوراة وبالانجيل - 00:06:04

اعتبربناها كتبنا اي كتب الاسلام مع الاخذ في الاعتبار ان فيها تحريفات. لكن اعتربناها كتبنا اعترفنا بها قلنا فيها هدى ونور ربنا قال وانزل التوراة والانجيل من قبل هدى الناس هدى - 00:06:26

لكن هم لم يعترفوا بالقرآن وربنا اطلق عليه الكتاب هو ده كتاب الله بقى اللي بعد نزوله هيأخذ لقب الكتاب لان هو اصبح الحاكم على الكتب الاخرى والمهيمن عليها - 00:06:46

يعني اللي في الكتب الاخرى اللي قبله اللي هيوافق ما في القرآن هيحكم عليه بالصحة وما يخالف منها ما في القرآن هيحكم عليه بالبطلان. وفي الآخر يشتكونا و يقولوا انتمش بتعترفوا بالآخر. مش بتتعايشوا مع مين من الذي يعترف بمن - 00:07:05 احنا يعني مش بس معترفين ده احنا مؤمنين بانبيائكم وبكتبكم انتمش معترفين لا بنبينا ولا بكتابنا. وتقولوا انتمش بتتعايشوا. مين اللي مش بتعايش مين اللي عنده مشكلة في التعايش؟ احنا برضو - 00:07:27

اقرأ كده بقى الاية اربعة من قبل هدى الناس وانزل التوراة من قبل هدى الناس وانزل الفرقان ان الذي كفروا بآيات الله لهم عذاب شديد. والله عزيز ذو انتقام من قبل هدى الناس تحمل معنى ان التوراة والانجيل نزلوا ليكونوا هودا للناس قبل القرآن - 00:07:40 لكن بعد نزول القرآن خلاص من يطلب الهدى يطلب في القرآن ما تجيشه تقول لي انا ها عمل كده او ها عمل كده اهو ها صلي كده او ها صلي كده اهو ها صوم كده. اصل التوراة بتقول او الانجيل بيقول لا لا لا خلاص - 00:08:11

من قبل دول كانوا هدى الناس بعد ما نزل القرآن الهدى من يطلب الهدى يطلب في القرآن دلوقتي طبعا معروف الحديث صلى الله عليه وسلم لما وجد سيدنا عمر بيقرأ في التوراة قال له لو كان موسى لو موسى بعث دلوقتي لن يسعه الا ان يتبعني - 00:08:27 وانزل الفرقان الفرقان يعني ما يفرق بين الحلال والحرام بين الحق والباطل بين الصح والغلط قيل ان الفرقان هنا مقصود به الزابور اي الكتاب الذي آانزل على داود وقيل مقصود به القرآن - 00:08:46

لكن السياق مش واضح منه لا المعنى ده ولا المعنى ده. لان واو العطف ده وانزل الفرقان وابل عطف ده تفيد المغایرة لازم اللي بعدها يكون غير اللي قبلها ازاى ربنا هيقول نزل عليك الكتاب بمعنى القرآن وبعدها يقول وانزل الفرقان - 00:09:09 فاحنا يعني انا استبعد ان المقصود هو القرآن طب وليه مش الزبور ما هو الزبور زي التوراة وزي الانجيل نزل من قبل القرآن. هدى الناس. فليه ربنا يفصله عن التوراة والانجيل؟ يصفهم هم ان هم نزلوا من قبل - 00:09:31

وده اللي الناس وبعد كده يعطف عليهم الزبور ما تشعرش برضو ان هو مقصود الزبور على فكرة في رأي برضو يقول ان هو الفرقان هو المعجزات اللي اثبتت صحة الكتب ده. ماشي. يمكن احسن شوية الرأي ده - 00:09:47

لكن في سورة البقرة ربنا سبحانه وتعالى قال واد اتينا موسى الكتاب والفرقان لعلكم تهتدون وقلنا ان سيدنا موسى اوتى التوراة اللي بيعبر عنها بالكتاب في الاية دي. الكتاب هي التوراة - 00:10:02

واوتى معها الحكمة التي بها يستطيع النبي ان يفرق بين الحق والباطل ما يساوي عندنا السنة النبوية افعال واقوال النبي بتأتي بوجي من الله سواء في حالة سيدنا محمد او في حالة سيدنا موسى او حالة اينبي - 00:10:28

اليهود اخذوا هذه التعاليم الشفهية اللي هي زي احاديث سيدنا موسى للأسف بعد ما جموعها ما ساوهاش لوحدها لأن زودوا عليها بقى وسموها التلمود عشر اقوال عشر تلاف حا خام - 00:10:50

بما فيهم موسى. طب ليه ما كنتم سبتوها موسى بس او اقوى المستوهرون لكن لا زودوا عليها بقى لغاية آآ اسمه ايه ده ؟

مايمونيديس اسمه مشيه ابن ميمون اللي كان في عهد صلاح الدين الايوبي - 00:11:08

اقواله موجودة في التلمود برضو اه المهم فازا الفرقان هنا ممكن يكون معناه الحكمة او السنة بتاعة النبي كل الانبياء يعني اذا ربنا

انزل هذه الكتب القرآن والتوراة والانجيل من قبل هدى للناس وانزل الحكمة على الانبياء. التي يستطيع بها التفريق بين الحق -

00:11:22

هو الباطل الفرقان اللي هو في رسالة محمد اسمه السنة النبوية المطهرة آآ وفي رسالة موسى ايا كان بقى سموه ايه بس يعني هو

يعني يعني التعاليم الشفهية بتاعة موسى - 00:11:48

طيب من قبل هدى للناس وانزل الفرقان ان الذين كفروا بآيات الله لهم عذاب شديد والله عزيز ذو انتقام كل ده الناس تكفر بآيات الله

ومش عاجبهم كل الهدى اللي نزل ده - 00:12:06

قرآن وتوراة وانجيل وحكمة شفاهية والسنة كل ده يكفره لا دول يستحقوا عذاب شديد بقى والله يعني يعني يعني يعني آآ يعني

لهم عذاب شديد. اه لا يستحقوا بصرامة. والله عزيز لا يغلب ولا يقهـر - 00:12:27

ذو انتقام ده يوحـي ان عذاب الله مصحوب بغضـب انتقام ربنا يغضـب من الكفر والجحود. يعني ربنا يختار احسن البشر دينـا واخلاـقا

وطباعـا ويرسلـهم للناس بالهدـى يحملـون لهم الخـير والقرآن والتورـاة والانجـيل والفرقـان - 00:12:48

فيـكذـبـوا ويعـذـبـوا ويـقـتـلـوا طـبـعا يـغـضـبـ ويـنـتـقـمـ لـعـبـادـهـ وـانـزلـ الفـرقـانـ انـذـيـنـ كـفـرـواـ بـآـيـاتـ اللهـ لـهـ عـذـابـ شـدـيدـ وـالـلهـ عـزـيزـ ذـوـ اـنـتـقـامـ

انـ اللهـ لاـ يـخـفـيـ عـلـيـهـ شـيـءـ فـيـ الـارـضـ وـلـاـ فـيـ السـمـاءـ - 00:13:11

الـاـيـةـ دـيـ يـاـ جـمـاعـةـ اـحـنـاـ بـنـاخـدـهـ بـبـسـاطـةـ زـيـادـةـ عـنـ الـلـزـومـ يـعـنـيـ فـاـهـمـيـنـ دـايـماـ اـنـ مـعـنـاـهـ اـنـ رـبـنـاـ يـعـلـمـ كـلـ حـاجـةـ بـنـعـمـلـهـ اـنـ اللهـ لاـ يـخـفـيـ

عـلـيـهـ شـيـءـ فـيـ الـارـضـ وـلـاـ فـيـ السـمـاءـ. لـوـ عـمـلـتـ مـعـصـيـةـ فـيـ السـرـ رـبـنـاـ شـايـفـهـاـ - 00:13:45

صـحـ دـهـ مـعـنـىـ لـاـ يـخـفـيـ عـلـيـهـ ايـ مـعـصـيـةـ وـلـاـ ايـ ذـنـبـ بـيـقـتـرـفـ وـلـاـ ايـضاـ لـاـ يـخـفـيـ عـلـيـهـ صـدـقـةـ فـيـ السـرـ وـلـاـ يـخـفـيـ عـلـيـهـ رـكـعـةـ فـيـ جـوـفـ

الـلـيلـ بـسـ الـاـيـةـ لـهـ جـانـبـ اـخـرـ بـرـضـوـ لـهـ عـلـاـقـةـ بـالـتـشـرـيـعـ - 00:14:01

فالـلـهـ هوـ المـشـرـعـ الـبـرـلـامـانـاتـ لـمـاـ يـعـلـمـواـ قـوـانـينـ وـضـعـيـةـ مـنـ صـنـعـ الـبـشـرـ بـيـجـبـوـ خـبـرـاءـ الـخـبـرـاءـ دـولـ بـيـكـلـمـواـ الـبـرـلـامـانـ اـعـضـاءـ

الـبـرـلـامـانـ فـيـ المـوـضـوـعـ الـلـيـ بـيـصـدـرـ بـشـائـهـ الـقـانـونـ مـسـلـاـ لـوـ الـدـوـلـةـ عـاـوـزـةـ تـصـدـرـ مـسـلـاـ قـانـونـ يـجـرـمـ اوـ يـمـنـعـ الـبـنـاءـ - 00:14:19

اعـلـىـ مـنـ اـرـتـفـاعـاتـ مـعـيـنـةـ فـيـ مـنـاطـقـ مـعـيـنـةـ فـيـ الـمـدـيـنـةـ وـمـنـاطـقـ تـانـيـةـ يـتـرـكـواـ فـيـهاـ اـرـتـفـاعـاتـ زـيـ ايـ حـاجـةـ فـيـجـبـوـ خـبـرـاءـ يـكـلـمـواـ

الـمـلـجـلـسـ لـاـنـ مـشـ كـلـ اـعـضـاءـ الـمـلـجـلـسـ فـاـهـمـيـنـ فـيـ الـقـضـيـةـ دـيـ وـفـاـهـمـيـنـ خـطـوـرـةـ الـمـوـضـوـعـ فـيـجـبـوـ خـبـرـاءـ - 00:14:45

يـكـلـمـواـ الـمـلـجـلـسـ عـنـ اـضـرـارـ وـمـخـاطـرـ الـمـبـانـيـ الـمـرـتـفـعـةـ فـيـ الـمـنـطـقـةـ دـيـ مـسـلـاـ. لـاـنـهـ مـسـلـاـ مـنـطـقـةـ هـبـوـطـ طـائـرـاتـ لـاـنـ الـمـطـارـ قـرـيـبـ اوـ

الـمـطـارـ فـيـ الـطـرـيـقـ الـحـتـةـ دـيـ فـلـوـ تـرـكـ الـاـمـرـ اـنـ هـمـ يـبـلـوـ بـقـىـ اـبـرـاجـ عـالـيـةـ جـداـ قـدـ تـحـدـثـ حـوـادـسـ طـيـرـاـنـ حـاجـاتـ كـدـهـ يـعـنـيـ. فـعـشـانـ

الـمـشـرـعـ عـضـوـ الـبـرـلـامـانـ مـاـ بـيـفـهـمـشـ - 00:15:04

همـشـيـ فـيـ كـلـ مـوـضـوـعـ عـلـمـ وـمـحـدـودـ لـازـمـ يـسـمـعـ لـخـبـرـاءـ. دـولـ بـقـىـ يـجـبـوـ لـهـ خـبـرـاءـ الـطـيـرـاـنـ الـمـدـنـيـ وـخـبـرـاءـ الـهـنـدـسـةـ الـمـدـنـيـ يـيـجـوـ

يـتـكـلـمـواـ عـشـانـ يـقـتـنـعـ اـنـ يـصـدـرـ هـذـاـ الـقـانـونـ وـيـاـخـدـ قـرـارـ بـخـصـوـصـ اـقـصـيـ اـرـتـفـاعـ يـسـمـحـ بـهـ فـيـ الـمـنـطـقـةـ دـيـ. مـسـلـاـ دـهـ مـسـلـاـ يـعـنـيـ -

00:15:25

الـلـهـ سـبـحـانـهـ وـتـعـالـىـ شـرـعـ فـيـ كـلـ الـمـجـالـاتـ يـعـنـيـ شـرـعـ الـعـلـاـقـةـ بـيـنـ الـحـاـكـمـ وـالـمـحـكـومـ الـعـلـاـقـةـ بـيـنـ الـزـوـجـ وـالـزـوـجـةـ. بـيـنـ الـابـاءـ وـالـابـنـاءـ.

بـيـنـ الـجـيـرـاـنـ. شـرـعـ فـيـ الـطـعـامـ الـحـالـ وـالـحـرـامـ فـيـ الـمـشـرـبـاتـ الـحـالـ وـالـحـرـامـ. فـيـ 00:15:49

مـعـالـمـ الـمـالـيـةـ وـكـيـفـيـةـ الـمـعـالـمـاتـ الـمـالـيـةـ وـكـيـفـيـةـ الـتـعـاـقـدـاتـ وـشـكـلـ الشـهـادـ وـشـكـلـ الـاـشـهـادـ وـشـكـلـ الـنـقـاضـيـ وـشـرـعـ فـيـ الـحـرـوبـ وـالـقـتـالـ

وـشـرـعـ فـيـ كـلـ مـنـاحـيـ الـحـيـاـةـ دـونـ اـسـتـمـاعـ لـخـبـرـاءـ لـاـنـ هـوـ الـقـيـوـمـ اللـهـ لـاـ اللـهـ لـاـ هـوـ الـحـيـ الـقـيـوـمـ بـقـيـوـمـيـتـهـ يـعـلـمـ كـلـ شـيـءـ - 00:16:08

لـاـ يـخـفـيـ عـلـيـهـ شـيـءـ وـعـلـمـهـ قـيـوـمـ لـاـ يـحـتـاجـ اـنـحـاـتـ اـنـحـاـتـ بـيـحـتـاجـ اـبـدـيـتـ. كـلـ شـوـيـةـ نـعـمـ اـبـدـيـتـ لـلـعـلـمـ اللـيـ عـنـدـنـاـ. وـنـكـتـشـفـ اـنـ

الـلـيـ كـنـاـ عـارـفـيـنـهـ مـنـ كـمـ سـنـةـ طـلـعـ غـلـطـ - 00:16:37

اهو ده الجديد اللي في العلم النهاردة. ونبي فرحانين ان احنا كنا غلط حقنا لكن ربنا علمه هو العلم الكامل علم كامل لا يحتاج الى ابديت ابدا لا يحتاج الى تحديت - 00:16:55

تمام ان الله لا يخفى عليه شيء في الارض ولا في السماء الكون كله لا في الارض ولا في السماء الكون كله ما فيش حاجة بتخفى على ربنا هو الذي يصوركم في الاراحم كيف يشاء - 00:17:14

لا الله الا هو العزيز الحكيم بعلمه وبقدرته بيعطي كل واحد مننا صورته يصوركم وهو في رحم امه جوة بطن امه هو الذي يصوركم في الاراحم ارحام امهاتكم كيف يشاء - 00:17:38

مش بس ايه علاقة الموضوع ده؟ يعني بموضع الصورة دلوقتي. يعني ليه الاية دي جت دلوقتي يعني؟ يوه ده احنا هنتكلم عن مولد السيد المسيح عيسى ابن مريم وشفنا في البقرة - 00:18:04

ادم بيعلم علم ليس عند الملائكة نفسها. ركز بقى معي في الحنة دي اوبي ربنا قال وعلم ادم الاسماء كلها. ثم عرضهم على الملائكة فقال انبئوني باسماء هؤلاء ان صادقين - 00:18:18

ادم علم مش موجود عند حد ولا عند الملائكة خلي بالك ان قصة ادم وال المسيح مرتبطين ببعض جدا لأن المسيحية كديانة وضعية من صنع البشر معتمدة اساسا على الربط بين خطيئة ادم ورسالة السيد المسيح - 00:18:40

هي الاصل فيها ان دي كانت الاسلام. ثم تم تحريف العقيدة فيها عن طريق الربط بين ادم وال المسيح وبالتالي لتفنيد دعوى المسيحية. اي حد بقى مش بس المسلمين عايز يفند المسيحية لازم يتطرق للقصة دي - 00:19:01

ادم وال المسيح. لازم مش هينفع حد يتفادي مسألة ادم ابدا. لأن هي المسيحية قائمة على ما يسمى بالخطيئة الاصلية خطيئة ادم القرآن بقى هنا هيربط بين القصتين عشان كده في اول ال عمران ربنا قال ايه؟ نزل عليك الكتاب بالحق - 00:19:23

وانت هتجد قصة في المسيحية وقصة في اليهودية وقصة في القرآن اللي في القرآن هو الحق. نزل عليك يا محمد الكتاب بالحق الحق هنا الحق في هذا الكتاب الذي لم يجرؤ احد على ان يغير حرف واحد فيه - 00:19:48

وسنجد قصة ادم في البقرة بتتطرق للخطيئة الاصلية. طبعا اقرا معي. وقلنا يا ادم اسكن انت وزوجك الجنة وكلها رغدا حيث شئتما. ولا تقربا هذه الشجرة فتكونوا من الظالمين. كل شيء حلال ما عدا حاجة واحدة حرام. الشجرة دي ما تقربوش منها - 00:20:10

مش قلنا عند في المنهيات ربنا بيقول تلك حدود الله فلا تقربوها وفي المسموحات تلك حدود الله فلا تعتدوها اهو ما تقربوش من الشجرة. فلا تقربا ولا تقربا هذه شجرة فتكونوا من الظالمين. وبعدين - 00:20:35

ضحك عليهم فاذلهم الشيطان فاخرجهما مما كانوا فيه. وقلنا اهبطوا بعضكم لبعض عدو لكم في الارض مستقر ومتاع الى حين حصلت الخطيئة وتبعتها بقى الخروج من الجنة وال المسيحيين عندهم الحل ان ربنا - 00:20:56

بنفسه يتجسد في جسد انسان يعني يتجسد ويتأنس يعني بقى له جسد وبقى انسان على شكل انسان ونزل ودمه اريق ومات على الصليب ليغدي البشرية ادفع تمن الخطيئة المسلمين عندهم حل تاني. ايه - 00:21:16

التوبة بس خلاص تتلقى ادم من ربها كلمات فتاب عليه انه هو التواب الرحيم لا ربنا بقى يتجسد ولا يتأنس ولا يقتل ولا يصلب ولا الكلام ده خالص. الانسان بيغلط يندم ويتبوب ويستغفر ربنا - 00:21:40

يبينوي اللي ما يعملش كده تاني. دي اسمها التوبة وربنا التواب هو التواب فيبقبل التوبة. رحيم فبيرحم الناس ولا مش يحتاج ان حد يدفع تمن اصلا يعني المسيحية قائمة على ان دي غلطة كبيرة جدا - 00:22:00

لازم حد يدفع التمن. الاسلام قائم على انه دي غلطة كبيرة جدا برضه مش لازم. ما فيش في الدنيا غلطة مهمما كانت كبيرة اكبر من رحمة ربنا واكبر من التوبة - 00:22:16

خلص الموضوع هي نفس القصة بس عندنا الرسالة الموجهة لقلوب الناس عكس بالضبط الرسالة اللي بتوجهها المسيحية المسيحية دي غلطة كبيرة جدا. اي مخالفة لشرع ربنا. غلطة كبيرة جدا. ولازم حد يدفع التمن. وما حدش يقدر يدفع التمن بتاع الغلطة دي. فربنا بنفسه - 00:22:26

دفع التمن بنفسه. ارسل ابنه الوحيد المولود ومات على الصليب. احنا عندنا مهما كانت الغلطة كبيرة ارفع ايديك واتوب ما تيجي الاية
ستة بقى في ال عمران تمهد لك لقصة المسيح وتقول لك ايه هو الذي يصوركم في الارحام كيف يشاء. لا الله الا هو العزيز الحكيم -

00:22:47

فيه ناس هتقول لك المسيح اتولد من غير اب وما فيش حد من غير اب. يبقى ربنا ابوه يبقى هو ابن الله. لا لا لا. هو الذي يصوركم في الارحام كيف يشاء. لا - 00:23:10

الله الا هو العزيز الحكيم. ده في رحم امه اتلحق من اب وام. معجزة. وده في رحم امه اتلحق من ام بدون اب. المسيح معجزة وحواء من غير من ادم من غير ام. غلط. وادم من غير ام ولا اب. الله! يبقى كل الاحتمالات بتاعة الخلق تمت - 00:23:22
كلها تمت معجزة من الله وبعد كده هنشوف بقى لسة جاي هنشوف الاية ثلاثة وتلاتين هتقول لنا ان الله اصطفى ادم ونوح والابراهيم وال عمران على العالمين. اهو يقوم يبدأ يربط لك تاني بين ادم والمسيح - 00:23:41

وتبدأ بعدها قصة السيد المسيح خلاص الاية السابعة احنا هنقرأها بس لكن مش هندخل فيها النهاردة لا يمكن لانها غالبا هتحتاج حلقة لوحدها اية من اهم ما يمكن وللاسف الشديد ناس كتير جدا - 00:24:00

عدم فهمها للاية دي بيخليلها آآ تضل فالالية دي مهمة قوي نفهمها كويس مع بعض. ان شاء الله هتبقى في الحلقة الجاية هو الذي انزل عليك الكتاب منه ايات محكمات هن ام الكتاب واخر متشابهات - 00:24:18

فاما الذين في قلوبهم زيف فيتبعون ما تشابه منه ابتغاء الفتنة وابتغاء تأويله وما يعلم تأويله الا الله. والراسخون في العلم يقولون امنا به كل من عند ربه وما يذكر الا اولوا الالباب - 00:24:38

بكرة ان شاء الله نتذر الاية دية. وخلونا نتوقف هنا الليلة. اللهم انا نسألك حبك وحب من يحبك وحب كل عمل يقربنا الى حبك اللهم ما رزقنا ما نحب واجعله قوة لنا فيما تحب. وما زويت عنا مما نحب فاجعله فراغا لنا فيما تحب - 00:25:05

اللهم اجعل حبك احب اليها من اهليها واموالها ومن الماء البارد على الظماء اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويحب ملائكتك وانبيائك ورسلك وعبادك الصالحين - 00:25:26

اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا ونرضيك بكل في اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع - 00:25:47

ونور صدورنا وجلاء احزاننا وذهاب همومنا وغمومنا ومغفرة ذنبينا. اسأل الله العلي العظيم ان يجعل هذا في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف 00:26:07 -

في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شروره ونجعلك اللهم في نحورهم. فانت الوكيل ولا حول ولا قوة الا بك - 00:26:31

اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين اللهم سدد رميهم وخيب رمي عدوهم. اللهم كن مع اخواننا في تركستان الشرقية وفي كشمير وفي سريلانكا وفي الهند. وانصر كل - 00:26:49

من نصرهم واخذل كل من خذلهم وطهر المسجد القصى من الدنس فانهم لا يعجزونك. واكتب لنا يا ربنا ختم القرآن فيه اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا مريضا به - 00:27:09

او حاملا له فالبسه ثوب الصحة والعافية عاجلا غير اجل ومن لم يصب به فقهه شره وابعده عنه ولا تسلطه الا على اعدائك واعداء دينك واعداء اولائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت - 00:27:29

على دعوتك وتعاهدت على نصرة شريعتك. فوثق اللهم رابطتها وادم ودها واهدها سبلها. واملاها بنورك الذي لا يحبه واشرح صدورها

بفيض الايمان بك وجميل التوكل عليك واحيها يا ربنا بمعرفتك. ومتى يا مولانا على الشهادة في سبيلك. انك نعم المولى ونعم النصير

00:27:54 -

وصل اللهم وسلم على سيدنا محمد وعلى الله وصحبه ومن تبع هداه. والسلام عليكم ورحمة الله وبركاته. ونراكم غدا باذن الله في

نفس هذا الموعد - 00:28:20